

紀古滇說集序

雲南古爲滇國。天則參井餘氣地則梁益裔土。故其
沿革附於巴蜀。河圖緯所謂南中爲蜀之範圍是也。
史記西南夷傳。班固范曄行之。至晉常璩作南中志。
附於華陽國志。詳矣。余家重膺

天恩。世守滇雲。戎政之暇。求滇之遺跡。病其畧也。蓋
史之體。內華夏而外荒徼。今也九州同域。四海一貫。
固不厭其詳。且煩也。於類書所引。楊子雲蜀本紀。譙
周異物志。僅存千百於一二。若任豫之益州記。韋瑄

道宗非元
人別有辨

雲南事狀。韋齊沐之雲南行記。樊綽之雲南志。南蠻記。皆名存而籍亾久矣。莫可徵也。家所舊藏。有紀古滇說集。乃元人張道宗所錄。始自唐虞。訖于咸淳。方域年運。謠俗服叛。一一詳焉。雖其文不雅馴。而鑿鑿傳信。不可刪以迷其真也。其紀金馬事。大與漢書所謂金形似馬。碧形似雞之說迥異。文儒信史者多疑之。余謂是書本偏方所錄。自言風土。當得其實。漢使王褒祭金馬碧雞之神。望其地不至。又安能必其說爲信。而此所錄可疑乎。並存之可也。遂命梓人鏤之。

上以廣

國家方輿一統之盛。下以補職守忠愛萬一之禪。觀者幸鑒鄙意焉。

嘉靖己酉十又二月朔日

欽差鎮守雲南總兵官征南將軍右軍都督府都督
僉事沐朝弼謹序

紀古滇說集

宋張道宗撰次

明楊慎點較

阮元聲攷正

古滇始自唐虞而前，漸漸有野人授土，號法外君長。唐分命仲宅西，曰昧谷。虞導黑水，至於三危，入於南海。大禹治水，命神庚辰徇南海，分派江河流沙金色，故名金沙。入昧谷，見水多聚於山頂，溪池廣遠，谷島高峙，稱曰滇水。滇水周三百里，其地萬里，皆蠻夷所

有西窮極有大秦國身毒國義渠國緞濮國茶弼沙國有聖人名徂葛尼到此諸國皆有君長茶弼沙是日落之所。有大洋日入其洋矣。外有緬夷諸國西南濱海黑水所流。八百日南占城真臘登流眉賓童童國有王舍城中日連舍基。此南海濱也。與滇水相去不遠。自此西南夷君長以十數。夜郎最大。其西靡莫之屬以十數。滇最大。自滇以北君長以十數。邛都最大。此皆雕結耕田有邑聚。其外西自同師以東北至牂輸。名爲雋昆明。皆編髮隨畜遷徙。毋常處。毋君長。

地方可數千里。自雋以東北君長以十數。徙祚都最大。自作以東北君長以十數。冉駹最大。其俗或土著。或移徙。在蜀之西。自冉駹以東北君長以十數。白馬最大。皆氐類也。此皆巴蜀西南外蠻夷也。自西南夷以下皆用

史漢全文

周宣王在位四十六年。時周室中興。先是昭王二十一年。有淨梵王妃摩耶氏生太子悉多。不欲爲君長。入山禿髮。至是聞西天竺卽身毒國有國王曰摩耶提。是淨梵王摩耶之後裔。摩耶提名阿育。生三子。長曰福

邦次日弘德季日至德三子俱健勇阿育王有神驥一匹高八尺紅鬃赤尾毛有金色三子共爭之王莫能決曰三子皆一也與一則偏一而不愛于二也命左右曰將我神驥縱馳去有能追獲者主之乃一縱直奔東向去三子各領部衆相與追逐其季子至德先至滇池之東山獲之卽名其山爲金馬山長子福邦續至滇池之西山聞季子已獲其馬停憇於西山之麓忽有碧鳳呈祥後誤目山曰碧鷄次子弘德後至滇之北野各主之王憂思滇類衆恐未獲歸乃遣舅氏神明統兵應援哀牢夷阻兵塞道遂不復返

蒙迦獨卽
低牟直也

哀牢國今永昌郡其先有郡人蒙迦獨妻摩梨羗名沙壺居于牢山蒙迦獨嘗捕魚爲生後死牢山水中不獲其屍妻沙壺往哭于此忽見一木浮觸而來旁邊漂沉離水面少許婦坐其上平穩不動明日視之見水沉觸如舊遂嘗浣絮其上若有感因懷妊十月生九子復產一子共男十人一日同母行至池邊問父所在母指曰死此池中矣語未畢見沉木化爲龍出水語曰若爲我生子今俱何在九子見龍驚走

范史已載
其事

獨一小子不能去。母固留之。此子背龍而坐。龍因舐之。呼其名曰習農樂。母見子背龍而坐。鳥語謂背爲九。謂坐爲隆。因名其池曰九隆。習農樂後長成有神異。每有天樂奏于其家。鳳皇棲于樹。五色花開四時。神人常衛護相隨。諸兄見有此異。又爲父所舐。而與名。遂共推以爲王。王哀牢山下。哀牢山又有一人名奴波息。夫婦復生十女子。習農樂兄弟皆娶以爲妻。奴波息見習農樂有神異。遂重愛之。而家大旺。鄰有禾。些和者嫉欲害之。習農樂奉母夜奔巍山之野。躬親稼穡。修德惟勤。教民耕種。其九弟兄有妻後。漸相滋長。種人皆刻畫其身象龍。文衣著尾。習農樂于巍山之野。王其民。咸相尊讓。有梵僧續舊緣自天竺。國來乞食。習農樂同室人細密覺勤供於家。細密覺餉夫耕。則見僧先坐耕所。語曰。汝夫婦勤耕稼穡。以王茲土者無窮也。語畢騰空去。乃知是觀音大士復化爲老人。自鑄其像。留示其後。今阿蹉觀音像者是也。後大將軍張樂進求來會諸首。合祭鐵柱。鳳皇飛上。習農樂左肩。樂進求等驚異。遂遜位其孫名奇嘉者。

以蒙號國

前哀牢王兵阻道阿育王三子不復返矣遂歸滇各

主其山後楚莊王遣將莊躡總兵循江上畧巴蜀黔

中以西躡至滇見池方三百里旁平地肥饒數千里

以兵威定滇民服焉欲歸報會秦并六國擊奪楚巴

黔中郡道塞不通因還以其衆王滇其阿育王三子

并神明四甥舅遺衆與躡兵同諸夷雜處躡爲滇王

崇信佛教不忍殺生遷居白崖鶴拓浪穹後衆推張

仁果者君之滇王躡傳世遂絕仁果肇基白崖尚初

業之祥於茲遂以地號國曰白守三綱明六藝本戒

法于天竺一枝姓文于漢唐號年法古正朔從夏

秦滅漢興武帝元狩元年夏五月遣博望侯張騫通

西域自大夏使遠大夏在漢西南慕中國患匈奴隔

其道誠通蜀身毒國道使近又無害騫還謂帝前言

又曰身毒國乃天竺二國也去蜀不遠帝再遣騫道通

滇爲益州亦曰昆明册張仁果爲滇王通商賈貿易

用貝於是漢天子再遣王然于栢始昌呂越人等十

餘輩間通西南夷指求身毒國至滇滇王張仁果尚

史漢皆作威王楊用修曰此又一莊躡去莊王時百年矣范史作莊

在白崖，塞雖奉命冊之，而仁果仍白氏國王。然于等所會滇王當羗，亦莊躋之遺也。乃留然于等求道四年餘，皆閉昆明，莫能通。滇王與漢使者言曰：漢我孰爲大？及夜，郎侯亦然，各自以一州王，不知漢廣大使者還，因盛言滇大國足事親附。天子注意焉。後王然于以粵破及誅南夷，兵威風諭滇王入朝。至元符三年，作昆池以習水戰。元鼎六年，平西南夷，置五郡。元封二年秋，遣將軍郭昌發巴蜀兵擊滅勞深靡莫，以兵臨滇。滇王降，以其地爲益州郡，賜王玉印，復長其民。是時漢滅兩越，平西南夷，置初郡十七。而初郡時時小反，殺吏，發卒誅之。六年，郭昌將兵擊昆明，又有中郎將衛廣者，同昌討平滇國。

孝昭帝始元元年夏，益州夷反，募吏民發犇命擊破之。四年秋，又反，復遣兵擊之。

宣帝神爵元年春三月，遣諫議大夫王褒求滇金馬碧雞之神。神乃阿育王之伯季子也。因收金馬，見碧鳳騰翔，各以山王之及弟弘德，舅神明，俱爲神矣。王褒由川來，路道險遠，弗果在蜀。望滇賽之。

尚有田廣
平戰勝文
封鉤町王
事失載

漢書成帝
時詳河發
兵最詳此
何以畧

平帝元始元年春正月滇王獻白雉于朝

王莽天鳳元年秋益州蠻夷殺其大尹莽發兵擊之

三年冬莽大發兵擊益州滇王領率諸蠻會兵迎敵

莽兵敗歸蠻夷亦殺其太守莽遣寧始將軍廉丹發

巴蜀吏人及轉兵穀卒徒十餘萬衆擊之吏卒疫連

年不能克而返莽以文齊爲太守開通路道灌溉墾

田三千餘頃率厲兵馬脩障塞降集羣夷甚得其和

及公孫述據益土文齊據險固守述拘其妻子許以

封侯齊遂不降開光武卽位乃間道遣使自聞蜀平

徵爲鎮遠將軍封成義侯於道卒詔起祠堂立廟祀

之

建武十八年滇屬夷渠帥棟蠶與姑復樸榆栢棟連

然滇池建寧昆明諸種反叛殺長吏益州太守繁勝

與戰敗退保朱提十九年帝遣武威將軍劉尚等發

廣漢犍爲蜀郡兵及朱提夷合一萬三千人擊之尚

軍遂渡瀘水入益州界羣夷聞大兵至皆棄壘奔走

二十年連與棟蠶等大戰數月滇王退兵昆明劉尚

追棟蠶至不韋斬之虜七千餘人得生口五千七百

棟蠶自莽
時已叛
范史作建
於

馬三千匹，牛羊二萬餘頭，夷遂平。

明帝永平十一年春，哀牢王內附。

章帝建初元年，哀牢王反，伐滇滇王兵及郡兵擊斬之，併哀牢。

范史元和
中王追為
守始與學
按其露降
白鳥見後
神馬出亦
在此時

安帝元初五年，卷夷大牛種封離等久叛，遂殺守令。次年，永昌益州諸夷皆叛，詔遣益州刺史張喬從事楊竦將兵擊破之，竦病死，喬痛惜之，乃刻石勒銘圖畫其像，時有神馬四匹出滇池。

靈帝時尚
有李顯討
伐事又景
毅為守

三國蜀漢建興二年春，丞相諸葛亮南征，自越雋至

即龍佑那

南中，所在戰捷，雍闓者益州郡之耆帥，阻拒漢兵，亮斬之，遂平。時孟獲為夷漢所服，僭為蠻王，誘扇諸夷，牂牁越雋皆應，占據昆明東川，武定以及烏撒沾蒙數千里，其衆數萬。亮經會川，歷三絳，而抵永昌，斷九隆山脉，以歇王氣，遂擒孟獲，使觀營壘，七縱七擒，回兵白崖，立鐵柱以紀南征，改益州郡曰建寧，以仁果十七世孫張龍佑領之，別遣將畧興

古曲靖
也牂牁
順元
朱提
也烏蒙
等郡

晉光熙元年春三月，五峇夷寇寧州，刺史李毅死之。

太寧元年夷復叛寧州刺史王遜死之八年春三月寧州降于成四川太元二年春西南夷遣使朝于秦借國

十七年冬以殷仲堪為都督總荆益寧三州諸軍事隋開皇十七年二月遣太平公史萬歲討南寧羗平

之萬歲京兆人拜左領軍將軍南寧夷名爨翫者來降拜昆明刺史既而復叛萬歲復征之自蜻蛉川經

弄棟小勃弄大勃弄至于南中賊前後屯據要害萬歲皆揮兵破之行數里見孔明紀功碑銘其背曰萬

歲之後勝我者過此萬歲遂令左右仆其碑見座下刻石曰隋開皇十九年將軍史萬歲至此重立吾碑

遂立之惶恐再拜而進渡西洱海入渠濫川行千餘里破其三四十餘部爨翫以金寶賂萬歲萬歲還朝以

罪除名張樂進求者張仁果三十三世孫張龍佑之十六世孫也唐冊為首領大將軍雲南王樂進求因祭鐵柱

見習農樂有金鑄鳳皇飛上左肩樂進求等驚異遂遜位哀牢王孫

哀牢復興

即細奴羅
偽謚高祖

哀牢王孫曰奇嘉以蒙號國社稷勑于斯故稱蒙社

乃唐高宗永徽四年，即蒙十三王之鼻祖也。

第二世與宗王名樂誠，有治國之風，夷民安堵。

第三世威成王名誠樂，威服諸邦，有滇人楊道清者，

殉道忘軀，感現觀音大士，遐邇欽風，漁者焚網于滇

水之旁，酒家隳其器具，皆以利物為心，王聞之，親幸

于滇，封道清為顯密圓通大義法師，始塑大靈土主

天神聖像，曰摩訶迦羅，築滇之城，龜其形，江縈之，蛇

其相，取義易之，既濟五年，龜城完，有神匠曰羅都道

太，自蜀中來塑像，又有菩提巴坡者，自天竺至，以祕

呪丹書神位，創廟中城而奉之，大義法師又以菩提

珠樹庭之西，期以興廢，王建都城中，冊為天府，復像

二神，一鎮龜城頂，一鎮城南，九年，追封阿育王三子

一舅，皆謚以帝號，各於所主山廟祀之，長為碧雞山

主，廟在山下，謚曰伏羲，山河清，邦景帝，次為靈伏，讐

夷，滇河聖帝，三為金馬，名山至德，景帝廟在金馬山

麓，謚舅氏神明曰大聖，外祖神明天子，廟在碧雞山

主，廟左，時六詔之渠帥曰蒙社，詔越雋，詔越析，詔浪

等，詔施浪，詔澄，詔國相張建成，始服五詔，又三年，

即羅辰轉
語之訛偽
謚世宗
即晟羅皮
一作誠樂
魁

蒙社即蒙
合越雋即
蒙雋澄
即鄧澄

滇本近天竺而傳教又自中國啓

王遣張建成朝唐。建成喜州人也。入覲。過成都大慈寺。適初鑄鐘成。寺僧戒曰。擊鐘一聲。施金一兩。時建成連扣八十聲。僧驚問曰。汝何人。連扣如此。曰。吾南使張建成也。僧易其名曰化成。遂學佛書。後歸。以授滇人。成人朝。玄宗厚禮待之。賜以浮屠像。王崇事佛教。自茲而啟。開元元年癸丑。唐遣大匠恭韜徽義造三塔于點蒼山下。建崇聖寺于塔上。倚山臨水。無不精麗。塔高三百餘尺。十六級。遣將守龜城。而自還蒙社。有和尚李紹祖者。精密法教。與道清顯聖。嘗持一

鐵鉢。孟入定不語。民稱曰無言和尚。欲晴則鉢內火光燭天。遂晴。欲雨則鉢內白氣上騰。遂雨。王亦封爲灌頂國師。一日王詔紹祖于崇聖寺講經。有老翁立聽畢。忽乘風雲去。王驚問曰。此洱水龍也。

卽皮羅閣

歸功于唐
作書者知
尊中國

第四世歸義王名魁樂覺。以戊辰卽位。遣部將平五詔。威聲大振。時唐玄宗開元十六年也。唐冊王爲特進。雲南王越國公。開府儀同三司。自唐進封之後。永昌諸郡。緬鮮羅大秦西通之國。交趾八百真臘占城。撾國南通之國。俱以奇珍金寶鹽錦氍布瑋瑇巴具。

歲進于王不缺，于是漸有昌也。

第五世神武王名覺羅鳳

覺亦作閣

始建元曰長壽。唐遣

中使黎敬義持節册封為雲南王。時有劍南節度使

鮮于仲通姚州太守張虔陀與蒙有隙，王分將障隘

一作乾陀

各處築城畜武習馬練兵，據大理城與雲南城上下

聯絡，固修城郭曰威楚州城、太和城、習農樂自蒙社

徙所建築也。羊苴咩城、白崖城、張樂進求所建築也。

文案洞城，樂進求原所居也。於是通脩理之。又鄧川

東十里鄧賧，詔之妻名慈善者，詔先被平，築城負固。

慈善守節

王親率兵往欲妻之，慈善堅執不從，誓曰：一女不更

二夫，攻之不克。慈善卒，王嘉其節，賜號德源城，亦脩

理之。城東去七十里，有甸言川，其川源平坦，山勢回

合，周二百餘里，為雲南州。州西北十餘里，山麓間有

石如鏡，光可照面，舊名鏡州。先張樂進求時，州北龍

興和山，忽五色雲起，蕭索輪困，終日不散，以為祥州。

亦築城焉。至河尾，乃洱水下流，羣波爭道，疊水懸流。

雲濤雪浪，翻騰如雷，有兩關曰龍尾，曰龍首，皆為增

築。八年，各城始完，兵亦練熟，結好吐蕃，以逸待勞矣。

如此又非神武王所殺

唐玄宗天寶九載，虔隨飲醜卒十載，遣鮮于仲通帥師伐蒙，大戰于趙州之西，唐師敗績。十三載六月，再遣前雲南郡都督李宓廣南節度使何履光統兵二十萬再伐蒙，又戰于龍尾關東，唐兵敗績，將士多死。神武王曰：天子致討，兵士何辜，遂斂屍葬之，為萬人塚，其塚如山，遂得唐西瀘令鄭回，巨儒也。王請以師禮之，賜爵國賢大丞相宰輔清平官，文風始大振矣。立蒙國大詔德政之碑在太和城。第六世孝桓王名意慕新，仍以鄭回為相，事皆從之。

御製軍寺
神武孫

一作大曆十四年立

韋臯未嘗至滇傳者之誤

即位之初，建元上元。唐德宗貞元之初也。六年，西川節度使韋臯詣蒙，臯字成武，京兆萬年人也。貞元初，代張延賞為節度使，唐因蒙附結吐蕃，連敗王師，乃使臯至蒙和好。臯至蒙，王意慕新，以回力勸從之。八年，遣使崔佐時謝請和好，唐再遣祠部郎中表茲來蒙宣詔。時憲宗元和年也。冊號蒙為南詔，王賜元和金印，詔賜滇城為善禪，遣弄棟節度使王嵯顛詣善禪，創建覺照慧光二寺，命大匠尉遲公燒造磚石，皆勒其匠名。始建雙塔，以為善禪浮屠，及剏妙應講寺。

崔佐時乃韋臯使由石門趣雲南，即史萬歲南征道，野史貞元冊封若元和金印以賜孝惠善禪即善闡，即則南詔臣

并一小塔于後。唐元和三年卒。唐詔太常卿武少儀持節祭葬。

此一事他書所無

徐雲虔不辱命矣

第七世孝惠王名新覺勸。遣使入貢。伴唐使同歸。建元應道。羣臣上尊號曰驃信。唐亦遣使冊新覺勸為雲南王。以善禪城為東京。太和城為西京。唐使徐雲虔為嶺南西道節度使。辛讜所遣。至善禪城。驃信詔入問唐遣來意。雲虔與之抗禮。王怒曰。何無禮乎。雲虔曰。王之先由大唐命。得合六詔為一。恩德深厚。中間乖隔。罪在邊鄙。今驃信欲脩好念舊。豈可違祖考

新覺勸蓋前恭後倨

成一作晟 王嵯顛殺之

故事乎。順祖考。孝也。事大國。義也。息戰爭。仁也。審名分。禮也。四者皆令德也。而可不勉乎。驃信曰。吾欲與唐約為舅甥。肯表貢乎。今聞四者令德。授爾木夾。遣還。然終不肯受冊奉貢。

第八世幽王名勸龍成。建元龍興。罷帝號。而與唐和未幾卒。時穆宗長慶三年也。穆宗遣少府少監李銑詣善禪葬祭。

原本為龍晟子別本勸利晟為龍晟弟

第九世靖王名勸禮。建元全義。以王嵯顛為相。先是第六祖孝桓王意慕新。封點蒼山為中嶽。至王亦大

祀之建昭靈育物土主廟在城北創中嶽神祠在城西中峯之下善禪慧光覺照二寺併落成

印履豐祐

第十世昭成王名勸豐祐建元保和唐史文宗太和三年王嗟顛領兵攻嵩邛戎三州遂入蜀止西郊十日慰賚居人取其經籍掠工技數萬人南之工織自是與中國同大中十年王建五花樓以會西南夷十大國君長樓方廣五里高百尺上可容萬人保和八年昭成王幸善禪樹碑于金馬以絕方物遂卒于善禪葬起蒙舍

號大理故
不始于段
然亦因地
而稱唐書
作大禮

第十一世景莊帝名世隆建元建極改國號曰大理改西京曰中都改東京曰上都元年即遣大將軍獨彥侵播州又侵武州皆陷之二年攻安南邕州亦陷之八年遣清平官董成入唐求授敵國禮冬復寇安南次年春陷交阯唐經畧使蔡襲死之時唐懿宗咸通四年也建極十一年又犯蜀掠工匠玉帛以歸自是盡有大渡河迤南之地十三年王遣使至品甸按唐史嘗置坡州亦名清子川其川澤土壤不減雲南民種蒔為不及爾甸中有池名曰清湖灌溉之利達

於雲南之墊湖西官道中有石石上紋如古篆號曰地符王因遣使禁行人謹避不許踐之又山行三十里至白崖甸其地形南北袤大小畧與雲南品甸相埒居民甚衆禾麻蔽野西有石岩削壁其色如雪故曰白崖又有赤水江回環曲折經於其中因建爲行宮親履甸之西南建清致神廟寬廣精麗中立鐵柱高七尺五寸徑二尺八寸上題曰建極十三年壬辰四月庚午朔十有四日癸丑鑄以鎮其川實唐咸通十二年也還遣將襲嘉黎雅三州皆陷之又進犯成都甲午建極十五年唐僖宗乾符元年也冬遣使寇西川陷黎州入邛峽關掠工匠玉帛金銀男女而歸建極十九年春二月卒

一作武宣

靖王時會
號大豐

第十二世宣武帝名隆舜卽位之初復改國號曰大封民國建元貞明三年幸善闡城仍爲東京祭阿育王子金馬碧雞二山景帝及神明天子各廟立遷都郊祀山川社稷二壇於善闡城外山川壇西南又築一城與其子舜化居之名曰中城唐乾符六年春嶺南節度使辛儼復遣使來廣明元年夏六月僖宗遣

舜化下有
貞字
元和至乾
符七十年
矣不應辛
謹尚在北

事更誤入
孝哀今備
據他書改

正
中和亦唐
僖宗號

楊登載之

野史所載
者孝哀子

國號大長
和誤作天
長

宗正少卿李龜年至善闡與南詔和親次年又改元
中和元年秋八月遣使上表歸唐三年冬唐遣中使
以宗女妻之卒于東京

第十三世孝哀帝名舜化建元中興唐昭宗乾寧四
年冬十二月遣使上書後為鄭買嗣弒而篡其位國
號天長改元安國初買嗣為宣武相宣武幸善闡留
買嗣守國遂及于篡後有趙善政楊于貞等遞篡三
姓共三十六年而至武威人段思平在五代晉時
段思平更國號曰大理蒙段四十一主共歷六百有

一年皆都于善闡大理善闡金碧為城昆水為池大
理西倚點蒼東挾洱水龍首關于鄧川之南龍尾關
于趙臉之北蒙鄭趙楊段五姓數百年值唐末五季
衰亂兵不遠及五姓之主互與中國抗宋興北有大
敵不暇遠畧使傳往來不通于中國邦人以去天竺
不遠俗多尚浮屠法家無貧富皆有佛堂人無論老
壯手不釋數珠一歲之間齋戒幾半齋時不茹葷飲
酒至齋畢乃已沿山寺宇極多禮佛遊翫者弗絕至
元世祖兵北來進麗江石門關大理摩訶羅嵯段興

咸淳世祖
尚存謚乃
後人附益

載記摩訶
羅嗟爲元

封號
段實乃與
智弟

稱於越非
也但謂南
中未降者

智降

元仍立段信直實留守大理，削其帝號，命睦力合兵東征於越。段與智同信直，福爲副。所向皆克，回至京，賞賚甚厚。與智死，元遣使諭祭，賜物歸葬，乃宣諭信直實曰：向帥我師，往臨爾境，重拒國人之請，因從誠信之盟，欵附而來，忠勤益著，庸爾至優之渥，彰以同視之仁，可賜虎符，依舊管領大理善闡威楚統矢會川建昌騰越謀統等州城勾當，仍悉各處萬戶千戶隊長管民之官屬，並聽信直實節制，尚脩前效，毋負

各書有段
忠立在慶
前

初心，撫安已附之民，招集未降之衆，國典有常，卿其勉之，宜令准此。元中統二年也。任信直實爲大理宣慰使司世襲都元帥，階鎮國，復陞雲南行省叅知政事。故子信直慶繼襲父職，階亦如之。中慶路總管高龍繕爲左丞，階資善。

皆

咸淳元年春正月八日滇民張道宗錄